

LEEF DIE KONINKRYK

— WAARDES EN BEGINSELS
VAN GOD SE KONINKRYK —

*God vorm my hart.
God verander my karakter.
God gebruik my om ander te dien.*

Diens

DIE WEG VAN DIE KONING.

MARKUS 10:45

'N 9-WEEK REIS DEUR DIE WAARDES VAN DIE KONINKRYK

1	2	3	4	5	6	7	8	9
LIEFDE	GEHOORSAAMHEID	DANKBAARHEID	NEDERIGHEID	HEILIGHEID	VREDE	VERGIFNIS	BARMHARTIGHEID	DIENSBARHEID
								
ONS VERHOUDING MET GOD	ONS VERHOUDING MET GOD	ONS VERHOUDING MET GOD	ONS KARAKTER	ONS KARAKTER	ONS KARAKTER	ONS VERHOUDING MET ANDER	ONS VERHOUDING MET ANDER	ONS VERHOUDING MET ANDER

“ WIE DIE GROOTSTE ONDER JULLE WIL WEES,
MOET JULLE DIENAAR WEES.
MATTEUS 23:11 ”



LEEF DIE KONINKRYK

WAARDES EN BEGINSELS VAN GOD SE KONINKRYK

Wanneer Jesus oor die Koninkryk van God gepraat het, het Hy nie bloot verwys na 'n plek waarheen ons eendag gaan nie. Hy het verkondig dat God se heerskappy naby gekom het en dat mense geroep word om nou reeds onder die koningskap van God te leef. Die Koninkryk van God bring ons by 'n eenvoudige maar diep vraag: Wie regeer my lewe? Om 'n burger van God se Koninkryk te wees, beteken meer as om sekere geloofswaarhede te ken. Dit beteken dat die waardes van die Koning ons harte vorm en dat die beginsels van die Koninkryk ons keuses, verhoudings en optrede rig.

'n Waarde is iets wat vir ons diep belangrik is. Dit vorm ons prioriteite, gesindheid en karakter. 'n Beginsel is 'n waarheid of riglyn waarvolgens ons leef. Dit help ons om ons waardes prakties uit te leef. Waardes vorm ons karakter. Beginsels rig ons optrede. Saam wys hulle hoe burgers van God se Koninkryk leef.

Die doel van hierdie studie is nie bloot om meer kennis op te doen nie. Ons wil onself oopstel vir die werk van die Heilige Gees, sodat die waardes van die Koninkryk al hoe meer sigbaar word in ons daaglikse lewe.

Die beweging van die reeks

- Weke 1–3: Ons verhouding met God — Liefde, Gehoorzaamheid, Dankbaarheid
- Weke 4–6: Ons karakter — Nederigheid, Heiligheid, Vrede
- Weke 7–9: Ons verhouding met ander — Vergifnis, Barmhartigheid, Diensbaarheid

INHOUDSOPGAWE

WEEK 1 — LIEFDE | Ons verhouding met God

WEEK 2 — GEHOORSAAMHEID | Ons verhouding met God

WEEK 3 — DANKBAARHEID | Ons verhouding met God

WEEK 4 — NEDERIGHEID | Ons karakter

WEEK 5 — HEILIGHEID | Ons karakter

WEEK 6 — VREDE | Ons karakter

WEEK 7 — VERGIFNIS | Ons verhouding met ander

WEEK 8 — BARMHARTIGHEID | Ons verhouding met ander

WEEK 9 — DIENSBAARHEID | Ons verhouding met ander

WEEK 1: LIEFDE

ONS VERHOUDING MET GOD

Die hart van die Koninkryk

Inleiding

Liefde staan sentraal in God se Koninkryk. Jesus het liefde nie as 'n bykomstigheid tot geloof beskou nie, maar as die kern van ons verhouding met God en met mense. Die wêreld verstaan liefde dikwels as 'n gevoel; Jesus wys egter dat Koninkryksliefde 'n keuse, 'n gesindheid en 'n daad is. God het ons eerste liefgehad. Daarom leef ons liefde as antwoord op sy liefde.

Waarde en beginsel

WAARDE	BEGINSEL
Liefde	Liefde is nie net iets wat ons voel nie; dit is iets wat ons doen.

Lees saam

- Matteus 22:34–40
- Johannes 13:34–35
- 1 Johannes 4:7–12

Groepsbespreking

1. Wat beteken liefde vir jou persoonlik?
2. Hoe verskil die wêreld se verstaan van liefde van Jesus se verstaan daarvan?

3. Waarom verbind Jesus liefde vir God en liefde vir mense aan mekaar?
4. Waarom sou liefde die herkenningsteken van Jesus se dissipels wees?
5. Is dit moontlik om te sê dat ons God liefhet terwyl ons mense voortdurend sleg behandel? Bespreek.
6. Wat maak dit moeilik om sekere mense lief te hê?
7. Hoe lyk liefde prakties binne 'n huwelik, gesin, gemeente of werkplek?
8. Wie plaas God tans op jou hart om meer doelbewus lief te hê?
9. Waar het ons gemeente nodig om sterker in liefde te groei?
10. Watter konkrete daad van liefde kan jy hierdie week doen?

Persoonlike uitdaging vir die week

Kies een persoon en wys hierdie week doelbewus God se liefde deur 'n praktiese daad.

My gebed / notas

WEEK 2: GEHOORSAAMHEID

ONS VERHOUDING MET GOD

Wanneer liefde sigbaar word

Inleiding

In God se Koninkryk is gehoorsaamheid nie bloot die nakoming van koue reëls nie. Jesus verbind gehoorsaamheid direk aan liefde. Ons gehoorsaam God nie om sy liefde te verdien nie; ons gehoorsaam omdat ons Hom liefhet en vertrou. Gehoorsaamheid word veral getoets wanneer God se wil bots met ons eie begeertes, gemak of planne.

Waarde en beginsel

WAARDE	BEGINSEL
Gehoorsaamheid	Ware liefde vir God lei tot gehoorsaamheid.

Lees saam

- Johannes 14:15–24
- Lukas 6:46–49
- Jakobus 1:22–25

Groepsbespreking

1. Wat kom by jou op wanneer jy die woord “gehoorsaamheid” hoor?
2. Waarom verbind Jesus liefde en gehoorsaamheid?

3. Wat is die verskil tussen gehoorsaamheid uit vrees en gehoorsaamheid uit liefde?
4. Waarom is dit soms makliker om God se Woord te hoor as om dit te doen?
5. Wat leer die beeld van die twee fondamente in Lukas 6 ons?
6. Op watter terreine van die lewe vind mense dit dikwels moeilik om God te gehoorsaam?
7. Kan gedeeltelike gehoorsaamheid werklik gehoorsaamheid genoem word?
8. Hoe help die Heilige Gees ons om gehoorsaam te leef?
9. Is daar iets waarvan jy weet God reeds met jou gepraat het, maar wat jy uitstel?
10. Watter stap van gehoorsaamheid moet jy hierdie week neem?

Persoonlike uitdaging vir die week

Identifiseer een area waar jy God se stem moet gehoorsaam en neem 'n konkrete stap.

My gebed / notas

WEEK 3: DANKBAARHEID

ONS VERHOUDING MET GOD

Om God as die Bron te erken

Inleiding

Dankbaarheid is meer as goeie maniere. Dit is 'n geestelike gesindheid wat erken dat God die Bron van ons lewe en genade is. Ondankbaarheid fokus op wat ontbreek; dankbaarheid leer ons om God se goedheid raak te sien, selfs wanneer alles nie perfek verloop nie.

Waarde en beginsel

WAARDE	BEGINSEL
Dankbaarheid	Dankbare mense erken God as die Bron van alle seëninge.

Lees saam

- 1 Tessalonisense 5:16–18
- Lukas 17:11–19
- Psalm 103:1–5

Groepsbespreking

1. Waarom vergeet mense so maklik om dankbaar te wees?
2. Wat is die verskil tussen dankbaarheid en positiewe denke?
3. Wat tref jou van die een man wat in Lukas 17 teruggekom het?

4. Waarom fokus ons dikwels meer op wat ons kort as op wat ons reeds ontvang het?
5. Hoe beïnvloed 'n klaende gesindheid ons geestelike lewe?
6. Kan 'n mens dankbaar wees terwyl jy deur swaarkry gaan? Hoe?
7. Waarvoor is jy tans die dankbaarste?
8. Watter seëning het jy moontlik begin vanselfsprekend aanvaar?
9. Hoe kan ons gemeente 'n kultuur van dankbaarheid ontwikkel?
10. Wat kan jy prakties doen om dankbaarheid 'n daaglikse gewoonte te maak?

Persoonlike uitdaging vir die week

Skryf elke dag drie dinge neer waarvoor jy God dank.

My gebed / notas

WEEK 4: NEDERIGHEID

ONS KARAKTER

Die weg van Jesus

Inleiding

Die wêreld leer ons om onself te bevorder, raakgesien te word en bo ander uit te styg. Jesus wys 'n ander pad. Hy, wat Here is, het Homself verneder en die gestalte van 'n dienaar aangeneem. Nederigheid beteken nie dat ons onself waardeloos ag nie; dit beteken dat ons nie voortdurend onself in die middelpunt plaas nie.

Waarde en beginsel

WAARDE	BEGINSEL
Nederigheid	Die grootste in die Koninkryk is die een wat dien.

Lees saam

- Filippense 2:3–11
- Markus 9:33–37
- Johannes 13:1–17

Groepsbespreking

- Hoe sou jy nederigheid definieer?
- Wat is die verskil tussen nederigheid en 'n swak selfbeeld?
- Wat leer Filippense 2 ons oor Jesus se gesindheid?

4. Waarom is trots dikwels moeilik om in onself raak te sien?
5. Hoe manifesteer trots in gewone verhoudings?
6. Waarom vind mense dit moeilik om erkenning aan ander te gee?
7. Hoe lyk nederigheid in konflik?
8. Hoe lyk nederigheid in leierskap?
9. Waar moet jy leer om meer te luister en minder jouself te verdedig?
10. Wie kan jy hierdie week dien sonder om erkenning te verwag?

Persoonlike uitdaging vir die week

Doen iets vir iemand sonder om enige erkenning daarvoor te soek.

My gebed / notas

WEEK 5: HEILIGHEID

ONS KARAKTER

Anders omdat ons aan God behoort

Inleiding

Heiligheid word soms verkeerd verstaan as foutloosheid of godsdienstige strengheid. Bybels gesproke beteken heiligheid dat ons aan God behoort en vir Hom afgesonder is. Omdat God heilig is, roep Hy sy mense om anders te leef — nie uit hoogmoed teenoor die wêreld nie, maar uit toewyding aan Hom.

Waarde en beginsel

WAARDE	BEGINSEL
Heiligheid	Ons behoort aan God en leef daarom anders.

Lees saam

- 1 Petrus 1:13–16
- Romeine 12:1–2
- 1 Korintiërs 6:19–20

Groepsbespreking

1. Wat verstaan jy onder die woord “heiligheid”?
2. Waarom word heiligheid soms negatief beleef?
3. Wat is die verskil tussen heiligheid en wettisisme?
4. Wat beteken dit prakties om aan God te behoort?

5. Hoe word ons denke volgens Romeine 12 gevorm of verander?
6. Op watter maniere beïnvloed die kultuur ons waardes?
7. Watter areas van ons lewe hou ons maklik van God terug?
8. Hoe help die Heilige Gees ons om heilig te leef?
9. Is daar iets in jou lewe wat nie pas by iemand wat aan God behoort nie?
10. Watter konkrete verandering vra God moontlik van jou?

Persoonlike uitdaging vir die week

Gee een spesifieke area van jou lewe opnuut aan God oor.

My gebed / notas

WEEK 6: VREDE

ONS KARAKTER

Vredemakers in 'n verdeelde wêreld

Inleiding

Ons leef in 'n wêreld vol konflik, spanning, verdeeldheid en wantroue. Jesus roep sy volgelinge nie net om vrede te geniet nie, maar om vredemakers te wees. 'n Vredemaker vermy nie noodwendig alle konflik nie; ware vrede vra soms moeilike gesprekke, waarheid in liefde en die herstel van gebroke verhoudings.

Waarde en beginsel

WAARDE	BEGINSEL
Vrede	Koninkryksmense is vredemakers waar konflik en verdeeldheid heers.

Lees saam

- Matteus 5:9
- Romeine 12:17–21
- Kolossense 3:12–15

Groepsbespreking

1. Wat is die verskil tussen vrede en die afwesigheid van konflik?
2. Waarom noem Jesus vredemakers kinders van God?
3. Wat is die verskil tussen 'n vredemaker en iemand wat konflik net vermy?

4. Hoe dra ons soms self tot konflik by?
5. Wat leer Romeine 12:17–21 ons oor ons reaksie op kwaad?
6. Hoe kan ons waarheid praat sonder om vrede te vernietig?
7. Is daar 'n verhouding in jou lewe waar vrede herstel moet word?
8. Wat verhinder mense om die eerste stap tot versoening te neem?
9. Hoe kan ons gemeente 'n instrument van vrede in die gemeenskap wees?
10. Watter stap kan jy hierdie week neem om vrede te bevorder?

Persoonlike uitdaging vir die week

Neem, waar dit wys en moontlik is, een konkrete stap na vrede of versoening.

My gebed / notas

WEEK 7: VERGIFNIS

ONS VERHOUDING MET ANDER

Ons vergewe omdat ons vergewe is

Inleiding

Vergifnis is een van die moeilikste waardes van die Koninkryk. Tog staan dit sentraal in die evangelie. Ons leef elke dag uit God se vergifnis; daarom word ons geroep om die genade wat ons ontvang het ook na ander te laat vloei. Vergifnis ontken nie die seer nie en beteken nie dat vertroue onmiddellik herstel word nie.

Waarde en beginsel

WAARDE	BEGINSEL
Vergifnis	Ons vergewe omdat Christus ons eerste vergewe het.

Lees saam

- Efesiërs 4:31–32
- Matteus 18:21–35
- Kolossense 3:12–13

Groepsbespreking

1. Waarom is vergifnis so moeilik?
2. Wat is vergifnis nie?
3. Wat is die verskil tussen vergifnis en versoening?
4. Beteken vergifnis dat vertroue onmiddellik herstel moet word?

5. Wat leer Matteus 18:21–35 oor ontvangde en gegewe genade?
6. Hoe beïnvloed bitterheid 'n mens se lewe?
7. Waarom hou ons soms vas aan ou seer?
8. Hoe help die kruis ons om anders oor vergifnis te dink?
9. Is daar iemand wie se naam steeds pyn of woede in jou wakker maak?
10. Wat kan 'n eerste stap na vergifnis wees?

Persoonlike uitdaging vir die week

Bid eerlik oor die persoon of situasie wat jy moeilik vind om te vergewe.

My gebed / notas

WEEK 8: BARMHARTIGHEID

ONS VERHOUDING MET ANDER

Om mense deur God se oë te sien

Inleiding

Barmhartigheid is die hart van God wat beweeg word deur mense se nood. Dit kyk nie weg nie. Dit sien, voel en tree op. Jesus het voortdurend mense raakgesien wat ander geïgnoreer het: siekes, armes, buitelanders, sondears en gebroke nes. Koninkryksmense ontvang genade en word daarom mense wat genade gee.

Waarde en beginsel

WAARDE	BEGINSEL
Barmhartigheid	Ons ontvang genade van God en gee genade aan ander.

Lees saam

- Matteus 5:7
- Lukas 10:25–37
- Lukas 6:36

Groepsbespreking

1. Hoe sou jy barmhartigheid beskryf?
2. Wat is die verskil tussen jammerte en barmhartigheid?
3. Wie word maklik deur die samelewing misgekyk?
4. Wat tref jou van die Samaritaan in Lukas 10?

5. Waarom het die priester en Leviet moontlik verbygeloop?
6. Watter verskonings gebruik ons om nie betrokke te raak nie?
7. Hoe het God barmhartigheid aan jou bewys?
8. Wie is die “langs die pad”-mense in ons gemeenskap?
9. Hoe kan ons gemeente meer prakties barmhartigheid uiteleef?
10. Wie se nood kan jy hierdie week doelbewus raaksien?

Persoonlike uitdaging vir die week

Help een persoon prakties sonder om iets terug te verwag.

My gebed / notas

WEEK 9: DIENSBAARHEID

ONS VERHOUDING MET ANDER

Grootheid in die Koninkryk

Inleiding

Die wêreld meet grootheid aan status, invloed, besittings en hoeveel mense jou dien. Jesus draai hierdie verstaan radikaal om. Hy, die Koning, het gekom om te dien. Diensbaarheid is daarom nie 'n minderwaardige rol in die Koninkryk nie; dit is die pad van Jesus.

Waarde en beginsel

WAARDE	BEGINSEL
Diensbaarheid	Ware grootheid in die Koninkryk word gemeet aan hoeveel ons ander dien.

Lees saam

- Markus 10:35–45
- Johannes 13:1–17
- 1 Petrus 4:10–11

Groepsbespreking

1. Hoe meet ons wêreldse grootheid?
2. Hoe meet Jesus grootheid?
3. Waarom vind mense dit soms makliker om gedien te word as om te dien?

4. Wat leer Markus 10:45 ons oor Jesus?
5. Waarom het Jesus se voetwassing die dissipels waarskynlik ongemaklik gemaak?
6. Wat is die verskil tussen diensbaarheid en mensebehaag?
7. Watter gawes het God aan jou gegee waarmee jy ander kan dien?
8. Waar is daar tans 'n behoefte wat jy kan help dra?
9. Hoe sou 'n gemeente lyk waar elke lid 'n dienaarshart het?
10. Wat is jou konkrete volgende stap van diensbaarheid?

Persoonlike uitdaging vir die week

Kies een plek waar jy gereeld en getrou kan dien.

My gebed / notas